

四庫全書薈要

• 乾隆御覽本

史部

欽定四庫全書薈要

史部

資治通鑑卷一百八

九

詳校官編修臣汪鏞



資治通鑑卷一百八

宋司馬光撰

胡三省音註

晉紀三十

起玄默執徐盡柔兆
泥濘凡五年

烈宗孝武皇帝下

太元十七年春正月己巳朔大赦秦主登立昭儀隴

西李氏為皇后二月壬寅燕主垂自魯口如河間勃

海平原翟釗遣其將翟都侵館陶屯蘇康壘

蘇康人姓
名館陶縣

漢屬魏郡音屬陽平

郡將即亮翻下同

三月垂引兵南擊釗秦驃騎將

軍沒奕于帥衆降于後秦

驃匹妙翻騎奇寄翻帥讀曰率降戶江翻

後秦以

為車騎將軍封高平公後秦主苻寢疾命姚碩德鎮

李潤尹緯守長安召太子興詣行營

苻時七安定苻音長

征南將

軍姚方成言於興曰今寇敵未滅上復寢疾

復扶又翻

王統

等皆有部曲終為人患宜盡除之興從之殺王統王廣

苻膺徐成毛盛

皆苻氏舊臣也

苻萼曰王統兄弟吾之州里實

無他志徐成等皆前朝名將

朝直通翻

吾方用之奈何輒殺

之

使莠果以殺統等為非罪當按誅始造謀者但怒而已宜真怒耶

燕主垂進逼蘇

康壘夏四月翟都南走滑臺

走音奏

翟釗求救於西燕西

燕主求謀於羣臣尚書郎渤海鮑遵曰使兩寇相弊吾

承其後此卞莊子之策也中書侍郎太原張騰曰垂彊

釗弱何弊之承不如速救之以成鼎足之勢今我引兵

趨中山

趨七喻翻
下趨同

晝多疑兵夜多火炬垂必懼而自救

我衝其前釗躡其後此天授之機不可失也求不從

在釗

敗則西燕之
亡勢成矣

燕大赦

五月丁卯朔日有食之

六

月燕主垂軍黎陽臨河欲濟翟釗列兵南岸以拒之辛

亥垂徙營就西津去黎陽西四十里為牛皮船百餘艘

偽列兵仗汴流而上

艘蘇遣釗上時掌翻

釗亟引兵趣西津

趣七喻翻

垂潛遣中壘將軍桂林王鎮等自黎陽津夜濟營於河

南比明而營成

比必寐翻及也

釗聞之亟還攻鎮等營垂命鎮

等堅壁勿戰釗兵往來疲竭

竭於歇翻傷暑也

攻營不能拔將

引去鎮等引兵出戰驃騎將軍農自西津濟與鎮等夾

擊大破之

燕主垂用兵於河上者再溫詳則引兵徑濟而取之惟釗則張疑兵於西而潛軍東渡亦

以決勝視敵之坐脫何如也驃匹妙翻騎
奇寄翻農燕之驃騎大將軍此逸大字 劉走還滑臺

將妻子收遺衆北濟河登白鹿山

水經注河內脩武縣北有白鹿山

憑

險自守燕兵不得進農曰劉無糧不能久居山中乃引

兵還留騎候之劉果下山還兵掩擊盡獲其衆劉單騎

奔長子西燕主永以劉為車騎大將軍兗州牧封東郡

王歲餘劉謀反永殺之初郝咨崔逞及清河崔宏新興

張卓遼東夔騰

夔姓也石趙之臣有夔安

陽平路纂皆仕於秦避秦

亂來奔詔以為冀州諸郡各將部曲營於河南

將即亮翻 既

而受翟氏官爵翟氏敗皆降于燕

降戶江翻

燕主垂各隨其

材而用之釗所統七郡三萬餘戶皆按堵如故以章武

王宙為兗豫二州刺史鎮滑臺徙徐州民七千餘戶于

黎陽以彭城王脫為徐州刺史鎮黎陽

徐州之民蓋為翟釗所掠者

脫垂之弟子也垂以崔蔭為宙司馬初陳留王紹為鎮

南將軍太原王楷為征西將軍樂浪王溫為征東將軍

樂浪音洛琅

垂皆以蔭為之佐蔭才幹明敏強正善規諫四

王皆嚴憚之所至簡刑法輕賦役流民歸之戶口滋息

秋七月垂如鄴以太原王楷為冀州牧右光祿大夫餘

蔚為左僕射

蔚射勿翻

秦主登聞後秦主苻疾病大喜

甚疾

病日告祠世祖神主

苻堅廟號世祖

大赦百官進位二等秣馬厲

兵進逼安定去城九十餘里八月苻疾小瘳出拒之登

引兵出營將逆戰苻遣安南將軍姚熙隆別攻秦營登

懼而還

還從宣翻又如字

苻夜引兵旁出以躡其後旦而候騎

告曰

騎奇寄翻

賊諸營已空不知所向登驚曰彼為何人去

令我不知來令我不知我死忽然復來

復扶又翻

朕與

此羌同世何其厄哉

符登屢為姚萇所挫故有懼萇之心蓋至于是登氣衰矣

登遂

還雍

雍於用翻下同

萇亦還安定

三河王光遣其弟右將軍

寶等攻金城王乾歸寶及將士死者萬餘人又遣其子

虎賁中郎將纂擊南羌彭奚念纂亦敗歸光自將擊奚

念於枹罕克之奚念奔甘松

甘松郡乞伏國仁所置及將即亮翻下同貢音奔枹

音膚

冬十月辛亥荊州刺史王忱卒

忱是王翻

雍州刺史

朱序以老病求解職詔以太子右衛率都恢為雍州刺

史代序鎮襄陽恢曇之子也

都曇見一百卷穆帝升平三年車所傳翻都且之翻

晏徒
舍翻

巴蜀人在關中者皆叛後秦據弘農以附秦秦

主登以竇衡為左丞相衡徙屯華陰

華戶化翻

郝恢遣將軍

趙睦守金墉河南太守楊佺期帥眾軍湖城

帥讀日奉

擊衡

走之十一月癸酉以黃門郎殷仲堪為都督荆益寧

三州諸軍事荊州刺史鎮江陵仲堪雖有英譽資望猶

淺議者不以為允到官好行小惠

好呼利翻

綱目不舉南郡

公桓玄負其才地以雄豪自處

負其才與其門地也處昌呂翻

朝廷疑

而不用年二十三始拜太子洗馬

洗悉薦翻

玄嘗詣琅邪王

道子值其酣醉

酣戶甘翻

張目謂衆客曰桓溫晚塗欲作賊

云何玄伏地流汗不能起由是益不自安常切齒於道

子後出補義興太守

守式又翻

鬱鬱不得志歎曰父為九州

伯兒為五湖長

虞翻曰太湖有五湖隔湖洮湖射湖貴湖及太湖為五湖並太湖之小支俱連

太湖故太湖兼得五湖之名常昭曰胥湖蠡湖洮湖隔湖就太湖而五鄉善長謂長塘湖射湖貴湖隔湖與太湖而五吳中志謂貢湖遊湖胥湖遂棄官歸國

玄襲封南郡公

上疏自訟曰先臣勤王匡復之勲朝廷遺之臣不復計

上時掌翻復扶又翻下同

至於先帝龍飛陛下繼明

謂桓溫廢海西立簡文帝而帝

繼統也易曰明兩作離
大人以繼明照四方

請問談者誰之由耶疏寢不報

玄在江陵仲堪甚敬憚之桓氏累世臨荊州玄復豪橫

橫戶士民畏之過於仲堪嘗於仲堪聽事前戲馬以稍

擬仲堪

聽讀曰屢稍色角翻通俗文長丈八者謂之稍擬者舉稍向之若將刺之也

仲堪中

兵參軍彭城劉邁謂玄曰

元帝謂江東置參軍十三年有中外兵騎兵

馬稍

有餘精理不足玄不悅仲堪為之失色

為於偽翻

玄出仲堪

謂邁曰卿狂人也玄夜遣殺卿我豈能相救邪使邁下

都避之

都謂建康

玄使人追之邁僅而獲免征虜將軍豫章

胡藩過江陵見仲堪說之曰

說翰為細

桓玄志趣不常每快

快於失職

快於兩細

節下崇待太過恐非將來之計也仲堪

不悅藩內弟羅企生為仲堪功曹藩退謂企生曰殷侯

倒戈以授人必及於禍君不早圖去就後悔無及矣

為後

桓玄殺企生仲堪

張本企匪智細

庚寅立皇子德文為琅邪王徙琅

邪王道子為會稽王

會王外細

十二月燕主垂還中山以

遼西王農為都督兗豫荆徐雍五州諸軍事鎮鄴

雍於周細

休官權千成據顯親自稱秦州牧

休官雜夷部落之名顯親縣漢光武

置屬漢陽郡晉改顯親為顯新復漢陽為天水郡
晉書姚興載記權干成作權干成略陽豪族也

清

河人李遼上表請敕兖州脩孔子廟

孔子廟在魯魯郡前漢屬徐州後漢

晉屬豫州江表

給戶灑掃

灑所費細掃素報細又各如字

仍立庠序收

教學者曰事有如賒而寔急者

此寔義與寔之實同

此之謂也

表不見省

省忌景翻

十八年春正月燕陽平孝王柔卒

權干成為秦所逼

請降於金城王乾歸

降戶江翻

乾歸以為東秦州刺史休官

大都統顯親公

夏四月庚子燕主垂加太子寶大單

予以安定王庫儼官儔為太尉

庫音輝儼奴沃翻

范陽王德為

司徒太原王楷為司空陳留王紹為尚書右僕射五月

立子熙為河間王朗為勃海王鑒為博陵王秦右丞

相竇衡矜才尚人

尚人者陵人而出其上

自請封天水王秦主登

不許六月衡自稱秦王改元元光金城王乾歸立其

子熾磐為太子

熾昌志翻

熾磐勇略明決過於其父

秋七

月秦主登攻竇衡於野人堡衡求救於後秦尹緯言於

後秦主苻曰太子仁厚之稱

緯于貴翻稱尺證翻名稱也

著於遠近

而英略未著請使擊苻登以著之苻從之太子興將兵

攻胡空堡登解圍以赴之興因襲平涼大獲而歸

苻登

自大界之敗以平涼為根本

苻使興還鎮長安魏王珪以薛干太

悉伏不送劉勃勃

事見上卷十六年

八月襲其城屠之太悉伏

奔秦氏帥楊佛嵩叛後秦

帥所類

楊佺期趙睦追之

佺且緣翻

九月丙戌敗佛嵩於潼關後秦將姚崇救佛嵩敗

晉兵

敗補

趙睦死

冬十月後秦王苻疾甚還長安

燕主垂議伐西燕諸將皆曰永未有釁我連年征討士

卒疲弊未可也范陽王德曰永既國之枝葉又僭舉位

號惑民視聽宜先除之以壹民心士卒雖疲庸得已乎

垂曰司徒意正與吾同吾比老叩囊底智足以取之

比必

寐翻終不復留此賊以累子孫也

垂不欲留慕容永以累子孫而不知拒援

珪已窺闕於代北矣是以有國有家者不恃無敵國外患恃吾所以傳國承家者足以待之耳累力端翻復扶

又翻遂戒嚴十一月垂發中山步騎七萬遣鎮西將軍丹

楊王纘

纘當作瓚

龍驤將軍張崇出井陘

驤思將翻陘音利

攻西燕

武鄉公友于晉陽征東將軍平規攻鎮東將軍段平于

沙亭

沙亭在
鄆西南

西燕主永遣其尚書令刁雲車騎將軍慕

容鍾帥衆五萬守潞川

帥讀
曰年

友永之弟也十二月垂至

鄆 已亥後秦主苻苳召太尉姚晃僕射尹緯姚晃將軍

姚大目尚書狄伯支入禁中受遺詔輔政苳謂太子興

曰有毀此諸公者慎勿受之汝撫骨肉以恩接大臣以

禮待物以信遇民以仁四者不失吾無憂矣

姚苳所以
詔其子者

勝于
符徒姚晃垂涕問取苳登之策苳曰今大業垂成興才

智足辦奚所復問

復扶
又翻

庚子苳卒

年六
十四

興祕不發喪以

其叔父緒鎮安定碩德鎮陰密弟崇守長安或謂碩德

曰公威名素重部曲最強今易世之際必為朝廷所疑

不如且奔秦州

碩德本起兵隴上據冀城

觀望事勢碩德曰太子志

度寬明必無他慮今苻登未滅而骨肉相攻是自亡也

吾有死而已終不為也遂往見興興優禮而遣之興自

稱大將軍以尹緯為長史狄伯支為司馬帥眾伐秦

帥讀

曰率

十九年春秦主登聞後秦主苻生卒

卒子恆

喜曰姚興小

兒吾折杖笞之耳乃大赦盡衆而東

輕敵者敗宜將整所以不亡於姚萇

之時而亡於姚興之初立也

留司徒安成王廣守雍

雍於用翻

太子崇守

胡空堡遣使拜金城王乾歸為左丞相河南王領秦梁

益涼沙五州牧加九錫

使疏吏翻下同

初禿髮思復鞬卒

鞬居

言翻子烏孤立烏孤雄勇有大志與大將紛陁謀取涼州

欲并呂光也將即亮翻

紛陁曰公必欲得涼州宜先務農講武禮

俊賢修政刑然後可也烏孤從之三河王光遣使拜烏

孤冠軍大將軍河西鮮卑大都統

冠古玩翻

烏孤與其羣下

謀之曰可受乎皆曰吾士馬衆多何為屬人石真若留

不對烏孤曰卿畏呂光邪石真若留曰吾根本未固小

大非敵若光致死於我何以待之不如受以驕之俟釁

而動蔑不克矣烏孤乃受之

給陀與石真若留皆能審
宜應事者也史言禿髮烏

孤所以興紛與
石真蓋皆夷姓

二月秦主登攻屠各姚奴帛蒲二堡

克之

二堡在胡空堡
之東屠直於翻

燕主垂留清河公會鎮鄴發司

冀青兗兵遣太原王楷出淦口

淦音
釜

遼西王農出壺關

垂自出沙庭以擊西燕

庭當作亭其
地在鄴西南

標榜所趣軍各就

頓

分處置兵以疑敵使不知所備趣七喻翻下同

西燕主永聞之嚴兵分道拒

守聚糧臺壁

水經註潞縣北對故臺壁漳水出其南本潞子所立也魏收地形志襄垣即刈陵縣

漢晉之潞縣也有臺壁

遣從子征東將軍小逸豆歸

時西燕之臣有二逸豆歸

故此稱小逸豆歸從才用翻

鎮東將軍王次多右將軍勒馬駒帥衆

萬餘人戍之

帥讀曰車

夏秦主登自六陌趣廢橋

趣七喻翻後

秦始平太守姚詳據馬嵬堡以拒之

嵬五回翻

太子興遣尹

緯將兵救詳

將即亮翻

緯據廢橋以待秦秦兵爭水不能得

渴死者什二三因急攻緯興馳遣狄伯支謂緯曰苻登

窮寇宜持重以挫之緯曰先帝登遐

鄭玄曰登上也遐已也上已者若仙

去云耳上

人情擾懼今不因思奮之力以禽敵大事去

矣遂與秦戰秦兵大敗其夜秦衆潰登單騎奔雍

騎奇寄翻

雍於用翻

太子崇及安成王廣聞敗皆棄城走登至無所歸

乃奔平涼收集遺衆入馬毛山

平涼城在漢安定鶉陰縣界後周始置平涼郡

及縣唐爲原州縣赫連定之敗魏亦據馬髦嶺以禽奚斤蓋平涼之險要處也

燕主垂頓軍

鄴西南月餘不進西燕主永怪之以爲太行道寬

行戶剛翻

疑垂欲詭道取之乃悉敝諸軍屯軹關

軹知杜太行口氏翻

惟留臺壁一軍甲戌垂引大軍出湓口入天井關

前漢書地

理志上黨郡高都縣有天井關蔡邕曰太行山上有天井關在井北遂因名焉余按今澤州晉城縣有太行關

關內有天井泉三所即天井關也

五月乙酉燕軍至臺壁永遣從兄太

尉大逸豆歸救之

從才用翻

平規擊破之小逸豆歸出戰遼

西王農又擊破之斬勒馬駒禽王次多遂圍臺壁永召

太行軍還自將精兵五萬以拒之刁雲慕容鍾震怖帥

衆降燕永誅其妻子

將卽亮翻怖普布翻帥讀曰平降戶江翻

己亥垂陳于

臺壁南

陳讀曰降

遣驍騎將軍慕容國伏千騎於澗下

驍堅

騎奇

庚子與永合戰垂偽退永衆追之行數里國騎從

寄翻 澗中出斷其後

斷丁管翻

諸軍四面俱進大破之斬首八千

餘級永走歸長子晉陽守將聞之棄城走丹楊王瓚等

進取晉陽

瓚歲早翻

後秦太子興始發喪即皇帝位于槐

里

興字子畧長之長子也槐里縣漢屬扶風晉屬始平郡宋白曰漢槐里縣故城在唐岐州興平縣東南七

里興既破符登始發喪襲位

大赦改元皇初遂如安定謚後秦主萇

曰武昭皇帝廟號太祖 六月壬子追尊會稽王太妃

鄭氏曰簡文宣太后

會工外翻謚法聖善周聞曰宣

羣臣謂宣太后應

配食元帝太子前率徐邈曰

晉志惠帝建東宮稱中衛率泰始五年分為左右各

領一軍惠帝時愍懷太子在東宮又加前後二率江左省前後二率孝武太元中又置率所類翻

宣太

后平素之時不伉儷於先帝

言非正妃伉若浪翻故也儀力計翻並也

至於

子孫豈可為祖考立配

為子傷翻

國學明教東莞臧燾曰

據晉

書儒林傳元帝運鍾百六光啟中興雖尊儒勸學王降於給言然東序西膠未聞于絃誦明皇雅受流畧簡文

敦悅典墳乃招集學徒弘獎風烈國學明教之官當置於明帝簡文時也莞音官

今尊號既正

則固極之情申別建寢廟則嚴禰之義顯

嚴尊也禰父廟也

繫

子為稱蕙明貴之所由

繫子為稱簡文繫之宣太后之上也春秋傳曰母以子貴稱尺

證

一舉而允三義不亦善乎乃立廟於太廟路西燕

主垂進軍圍長子西燕主求欲犇後秦侍中蘭英曰昔

石虎伐龍都太祖堅守不去

事見九十六卷晉成帝咸康四年

卒成大

燕之基

卒子恒訓

今垂七十老翁厭苦兵革終不能頓兵連

歲以攻我也但當城守以疲之求從之

兵交之變其應無窮惟知彼知

已者乃能百戰不殆耳慕容未欲以棘城之事自況當時與之共守長子者果能效死不去若慕容就之諸臣

乎

秦主登遣其子汝陰王宗為質於河南王乾歸以

請救

贊音致

進封乾歸梁王納其妹為梁王后乾歸遣前

軍將軍乞伏益州等帥騎一萬救之

帥讀曰車騎寄翻

秋七月

登引兵出迎乾歸兵後秦主興自安定如涇陽與登戰

于山南

馬髦山南也

執登殺之

年五十二

悉散其部衆使歸農業

徙陰密三萬戶於長安以李后賜姚晃益州等聞之引

兵還

還從宣翻又如字

秦太子崇奔湟中即帝位改元延初謚

登曰高皇帝廟號太宗

後秦安南將軍強熙鎮遠將

軍強多叛推竇衝為主後秦主興自將討之軍至武功

多兄子良國殺多而降

強其兩翻將即亮翻降戶江翻

熙奔秦州衝奔

汧川

汧川即扶風汧縣之地汧苦堅翻

汧川氏仇高執送之

三河王

光以子覆為都督玉門以西諸軍事西域大都護鎮高

昌命大臣子弟隨之八月己巳尊皇太妃李氏為皇

太后居崇訓宮西燕主永困急遣其子常山公弘等

求救於雍州刺史郝恢

郝丑之翻

并獻玉璽一紐

璽新氏翻

恢上

言垂若并求為患益深不如兩存之可以乘機雙斃帝

以為然詔青兗二州刺史王恭豫州刺史庾楷救之楷

亮之孫也

庾氏為桓溫所誅楷復不能振自此微矣

永恐晉兵不出又遣其

太子亮來為質

質音致

平規追亮及於高都獲之

高都縣屬上黨

郡隋為澤州丹川縣唐為晉城縣

永又告急於魏魏王珪遣陳留公虔

將軍庾岳帥騎五萬東渡河屯秀容以救之

此北秀容也在漢定

襄郡界後魏置秀容郡秀容縣又立秀容護軍於汾水

西北六十里從北秀容胡人居之北南秀容也別胸曰

忻州秀容縣漢汾陽縣地隋自秀容故

虔紇根之子也

城移於此因更名帥讀曰率騎奇寧翻

紇根見一百四卷

晉魏兵皆未至大逸豆歸部將伐勤

元年紇戶骨翻

等開門內燕兵燕人執永斬之并斬其公卿大將刁雲

大逸豆歸等三十餘人

將即亮翻

得永所統八郡七萬餘戶

及秦乘輿服御伎樂珍寶甚衆

乘輿證翻

燕主垂以丹楊王

瓚為并州刺史鎮晉陽宜都王鳳為雍州刺史鎮長子

永尚書僕射昌黎屈遵

瓚歲早翻雍於用翻屈居勿翻

尚書陽平王德

祕書監中山李先太子詹事渤海封則黃門郎太山胡

母亮中書郎張騰尚書郎燕郡公孫表皆隨才擢叙

李先

公孫表後皆仕魏位通顯

九月垂自長子如鄴

冬十月秦主崇為

梁王乾歸所逐奔隴西王楊定定留司馬邵彊守秦州
帥衆二萬與崇共攻乾歸乾歸遣涼州牧軻彈秦州牧

益州立義將軍詰歸帥騎三萬拒之

軻彈益州詰歸皆乞伏氏也涼秦二

州牧乾歸所遣非能有其地軻彈

晉書載記作軻彈帥讀曰平下同

益州與定戰敗于平

州載記作平川當從之軻彈詰歸皆引退軻彈司馬翟瑄奮劍怒

曰瑄音溫主上以雄武開基所向無敵威振秦蜀將軍以

宗室居元帥之任

帥所類翻

當竭力致命以佐國家今秦州

雖敗二軍尚全奈何望風退衄

衄女六翻

將何面以見主上

乎瑄雖無任獨不能以便宜斬將軍乎軻彈謝曰向者

未知衆心何如耳果能若是吾敢愛死乃帥騎進戰益

州詰歸亦勒兵繼之大敗定兵

敗補通翻

殺定及崇斬首萬

七千級

穆帝永和七年秦王健改元即位歷六主四十二年而亡

乾歸於是盡有隴

西之地

乞伏始得秦州

定無子其叔父佛狗之子盛先守仇池

自稱征西將軍秦州刺史仇池公謚定為武王仍遣使

來稱藩

使疏史翻

秦太子宣犇盛分氐羌為二十部護軍各

為鎮戍不置郡縣

燕主垂東巡陽平平原命遼西王

農濟河與安南將軍尹國畧地青兗農攻廩丘國攻陽

城皆拔之東平太守常簡戰死高平泰山琅邪諸郡皆

委城奔潰農進軍臨海

臨東海也

偏置守宰

柔然曷多汗

棄其父與社崙率衆西走

柔然降魏見上卷十六年汗音案崙盧昆翻

魏長

孫肥追之及於上郡跋那山斬曷多汗社崙收其餘衆

數百犇足候跋足候跋處之南鄙

虛昌呂翻

社崙襲足候跋

殺之足候跋子啟跋吳頡等皆奔魏社崙掠五原以西

諸部走度漠北

柔然自此遂為魏患據載記以社崙為河西鮮卑則柔然亦鮮卑種也

十一月燕遼西王農敗辟閭渾於龍水

郭緣生述征記曰遼山在廣固

南三十里洋水歷其陰而東北流世謂之石溝水出委粟山北而東注于巨洋水謂之石溝口然是水下流亦

有時通塞及其春夏水泛川澗無
輒亦或謂之龍泉水敗補遺翻

遂入臨淄十二月燕

主垂召農等還

秦主興遣使與燕結好

使疏吏翻好呼到翻是歲

前秦滅通鑑始書後秦為秦

并送太子寶之子敏於燕燕封敏為河

東公 梁王乾歸自稱秦王大赦

自此以後史以西秦別之

二十年春正月燕主垂遣散騎常侍封則報聘于秦

散志

重翻騎奇寄翻

遂自平原狩于廣川勃海長樂而歸

漢高祖置信都郡景

帝三年為廣川國明帝更名樂成安帝改曰安平晉改曰長樂郡又別立廣川郡樂音洛

西秦王

乾歸以太子熾磐領尚書令

熾昌志翻

左長史邊芮為左僕

射右長史祕宜為右僕射置官皆如魏武晉文故事然

猶稱大單于大將軍

單音蟬

邊芮等領府佐如故

薛干

太悉伏自長安亡歸嶺北

嶺北謂九峻嶺北十八年太悉伏奔秦

上郡以

西鮮卑雜胡皆應之

二月甲寅尚書令陸納卒

三

月庚辰朔日有食之

皇太子出就東宮以丹陽尹王

雅領少傅時會稽王道子專權奢縱嬖人趙牙本出倡

優

少詩照翻會工外翻倡音昌

茹千秋本錢塘捕賊吏

錢塘縣前漢屬會稽郡後

漢屬吳郡錢塘記曰郡議曹華信議立此塘以防海水始開募能致土一斛者即與錢一千句月之間來者雲

集塘未成而不復取於是載土石者皆委之而去塘以之成故名錢塘楊正衡曰茹音如又而據翻浙間舊有

此皆以諂賂得進道子以牙為魏郡太守千秋為驃騎

姓
諂議參軍

驃頻召翻今匹
妙翻騎奇寄翻

牙為道子開東第築山穿池

為
子
偽翻

功用鉅萬帝嘗幸其第謂道子曰府內乃有山甚

善然脩飾太過道子無以對帝去道子謂牙曰上若知

山是人力所為爾必死矣牙曰公在牙何敢死營作彌

甚千秋賣官招權聚貨累億博平令吳興聞人夷上疏

言之

博平縣漢屬東郡晉屬平原
郡江左屬魏郡與郡皆僞置

帝益惡道子

惡為
路翻

而

逼於太后不忍廢黜乃擢時望及所親幸王恭郝恢殷

仲堪王珣王雅等使居內外要任以防道子道子亦引

王國寶及國寶從弟琅邪內史緒以為心腹

從才用翻

由是

朋黨競起無復羣時友愛之驩矣太后每和斛之中書

侍郎徐邈從容言於帝曰

從千容翻

漢文明主猶悔淮南世

祖聰達負愧齊王

淮南事見十四卷漢文帝六年齊王事見八十一卷武帝太康四年

兄

弟之際實為深慎會稽王雖有酣媒之累

媒私列翻累力瑞翻

宜

加弘貸消散羣議外為國家之計內慰太后之心帝納

之復委任道子如故

復扶又翻

初楊定之死也天水姜乳

襲據上邽夏四月西秦王乾歸遣乞伏益州帥騎六千

討之左僕射邊芮民部尚書王松壽曰益州屢勝而驕

不可專任必以輕敵取敗乾歸曰益州驍勇諸將莫及

帥讀曰率騎奇寄翻
驍堅光翻將即亮翻

當以重佐輔之耳乃以平北將軍

常虔為長史左禁將軍務和為司馬

務姓也古
有務光

至大寒

嶺

大寒嶺在
上邽西

益州不設部伍聽將士遊畋縱飲令曰敢

言軍事者斬虔等諫不聽乳逆擊大破之

魏王珪叛

燕侵逼附塞諸部五月甲戌燕主垂遣太子寶遼西王

農趙王麟帥衆八萬自五原伐魏范陽王德陳留王紹

別將步騎萬八千為後繼散騎常侍高湖諫曰

散悉重
翻騎奇

寄魏與燕世為昏姻

代王什翼犍兩娶于慕容皆早卒
哀帝隆和元年什翼犍納女于燕

燕又以
女妻之

彼有內難燕實存之

事見一百六卷十一年及
一百七卷十二年燕乃旦

翻其施德厚矣結好久矣間以求馬不獲而留其弟

見事

上卷十六年好
呼到翻下同

曲在於我奈何遽興兵擊之拓跋圭

沈勇有謀

蕭子顯曰珪字
涉圭沈持林翻

幼歷艱難兵精馬彊未易輕

也皇太子富於春秋志果氣銳今委之專任必小魏而

易之

易以鼓翻

萬一不如所欲傷威毀重願陛下深圖之言

頗激切垂怒免湖官湖泰之子也

前燕時垂為車騎將軍以泰為從事中郎

六月癸丑燕太原元王楷卒

西秦王乾歸遷于西

城

苑川西城也

秋七月三河王光帥眾十萬伐西秦

帥讀曰率

西秦左輔密貴周左衛將軍莫者殺羗

密以國為氏姓譜漢有尚書密

忠據通鑑下文則以家貴為姓莫者夷復姓

勸西秦王乾歸稱藩於光以子

敕勃為質

質音致

光引兵還乾歸悔之殺周及殺羗

殺音古羗

音

魏張袞聞燕軍將至言於魏王珪曰燕徂於滑臺

長子之捷

滑臺事見上十七年長子事見上年徂無怙同杜預曰怙恃也

竭國之資力

以來有輕我之心宜羸形以驕之乃可克也

羸倫為翻

珪從

之悉徙部落畜產西渡河千餘里以避之燕軍至五原

降魏別部三萬餘家

降戶江翻

收稼田百餘萬斛置黑城

黑城

在五原河北按魏書帝紀登國五年劉衛辰遣子直力羗出柶陽塞侵及黑城從可知矣

進軍臨河

水經河水自新秦中屈而南流過五原西安陽成宜宜梁臨沃柶陽等縣南

造船為濟具珪

遣右司馬許謙乞師于秦

禿髮烏孤擊乙弗折掘等

諸部皆破降之築廉川堡而都之

乙弗折振二部皆在光髮氏之西廉川在

泣中降

廣武趙振少好奇畧

少詩照翻好呼到翻

聞烏孤在廉川

戶江翻

棄家從之烏孤喜曰吾得趙生大事濟矣拜左司馬三

河王光封烏孤為廣武郡公 有長星見自須女至于

哭星

天文志須女四星須臾之稱婦職之卑者也斗牛女揚州分座二星危三星皆主死喪哭泣墳墓

四星屬危之下主死喪哭泣為墳墓也見賢通翻

帝心惡之於華林園舉酒祝

之曰

晉都建康飲洛都起華林園惡烏路翻

長星勸汝一盃酒自古何有

萬歲天子邪 八月魏王珪治兵河南

治直之翻

九月進軍

臨河燕太子寶列兵將濟暴風起漂其船數十艘泊南

岸

漂紕招翻
艘蘇遺翻

魏獲其甲士三百餘人皆釋而遣之寶之

發中山也燕主垂已有疾既至五原珪使人邀中山之

路伺其使者盡執之

伺相吏翻
使疏吏翻

寶等數月不聞垂起居

珪使所執使者臨河告之曰若父已死何不早歸寶等

憂恐士卒駭動珪使陳留公虔將五萬騎屯河東東平

公儀將十萬騎屯河北

河水自金城過武威天水安定
北地郡界率東北流至朔方沃

野縣界始屈而東南流虔屯河東儀屯河北皆河曲
之地未渡河也北史曰儀據朔方將即亮翻下同

畧

陽公遵將七萬騎塞燕軍之南遵壽鳩之子也

壽鳩見一百四

卷元年

秦主興遣楊佛嵩將兵救魏燕術士靳安言於太

子寶曰

新居焮翻

天時不利燕必大敗速去可免寶不聽安

退告人曰吾輩皆當棄尸草野不得歸矣燕魏相持積

旬趙王麟將慕與嵩等以垂為實死謀作亂奉麟為主

事泄嵩等皆死寶麟等內自疑冬十月辛未燒船夜遁

時河水未結寶以魏兵必不能度不設斥候十一月己

卯暴風水合魏王珪引兵濟河留輜重

重直用翻

選精銳二

萬餘騎急追之燕軍至參合陂有大風黑氣如堤自軍

後來臨覆軍上

覆扶又翻

沙門支曇猛

支者曇猛之俗姓曇徒舍翻

言於

寶曰風氣暴迅魏兵將至之候宜遣兵禦之寶以去魏

軍已遠矣而不應曇猛固請不已麟怒曰以殿下神武

師徒之盛足以橫行沙漠索虜何敢遠來

太元十八年慕容麟已知

拓跋珪之必為燕患矣今乃輕之如此豈其心自疑而欲敗寶之師邪其後寶不能守中山而麟亦不能自立

同歸于亂而已矣索普各翻

而曇猛妄言驚衆當斬以徇曇猛泣曰

苻氏以百萬之師敗於淮南正由恃衆輕敵不信天道

故也

事見一百四卷
五卷七年八年

司徒德勸寶從曇猛言寶乃遣麟

帥騎三萬居軍後以脩非常

帥詩曰率騎
奇寄翻下同

麟以曇猛為

妄縱騎遊獵不肯設脩寶遣騎還訶魏兵

訶古求翻
又翻正翻

騎

行十餘里即解鞍寢魏軍晨夜兼行乙酉暮至參合陂

西燕軍在陂東營於蟠羊山南水上

水經註可不遼水
出鴈門沃陽縣東

南六十里山下西北流注沃
水合流而東逕參合縣南

魏王珪夜部分諸將

分扶
問翻

掩覆燕軍士卒銜枚束馬口潛進丙戌日出魏軍登山

下臨燕營燕軍將東引

引而東
行也

顧見之士卒大驚擾亂

珪縱兵擊之燕兵走赴水人馬相騰躡壓溺死者以萬數略陽公遵以兵邀其前燕兵四五萬人一時放仗斂手就禽其遺迸去者不過數千人

迸北
孟翻

太子寶等皆單

騎僅免殺燕右僕射陳留悼王紹生禽魯陽王倭奴

倭
烏

承
翻桂林王道成濟陰公尹國等文武將吏數千人

濟子
禮翻

兵甲糧貨以鉅萬計道成垂之弟子也魏王珪擇燕臣之有才用者代郡太守廣川賈閏閏從弟驃騎長史昌黎太守彞太史即晁崇等留之

晁直
遙翻

其餘欲悉給衣糧

遣還以招懷中州之人中部大人王建曰燕衆彊盛今傾國而來我幸而大捷不如悉殺之則其國空虛取之

爲易

易以
致翻

且獲寇而縱之無乃不可乎乃盡阮之十二

月珪還雲中之盛樂

通鑑於惠帝元康五年書定襄之盛樂故城此書雲中之盛樂蓋歷

代郡縣廢徙無常前漢成樂縣屬定襄後漢成樂縣屬雲中前書定襄之盛樂此前漢之故城也此書雲中之

盛樂此後漢之故城也

燕太子寶恥於參合之敗請更擊魏司徒

德言於燕主垂曰虜以參合之捷有輕太子之心宜及陛下神略以服之不然將爲後患垂乃以清河公會錄

留臺事領幽州刺史代高陽王隆鎮龍城以陽城王蘭

汗為北中郎將代長樂公盛鎮薊

樂音洛
薊音計

命隆盛悉引

其精兵還中山期以明年大舉擊魏

是歲秦主興封

其叔父緒為晉王碩德為隴西王弟崇為齊公顯為常

山公

二十一年春正月燕高陽王隆引龍城之甲入中山軍

容精整燕人之氣稍振

漢人有言戰勝之威士氣百倍
敗軍之卒沒世不復正此之謂

也

休官權萬世帥衆降西秦

前年乞伏乾歸稱秦王
故稱西秦以別於姚秦

帥讀曰率
降戶江翻

燕主垂遣征東將軍平規發兵冀州二月

規以博陵武邑長樂三郡兵反於魯口其從子冀州刺

史喜諫不聽

從才用翻

規弟海陽令翰亦起兵於遼西以應

之

海陽縣自漢以來屬遼西郡平規兄弟以燕兵敗故叛之

垂遣鎮東將軍餘嵩擊

規嵩敗死垂自將擊規至魯口規棄衆將妻子及平喜

等數十人走渡河垂引兵還翰引兵趣龍城

趣七喻翻

清河

公會遣東陽公根等擊翰破之翰走山南

白狼徐無等山之南

三月庚子燕主垂留范陽王德守中山引兵密發踰青

嶺經天門

青嶺蓋即廣昌嶺在代郡廣昌縣南所謂五迴道也其南層崖刺天積石之峻壁立直上

蓋即天門也

鑿山通道出魏不意直指雲中魏陳留公虔帥

部落三萬餘家鎮平城垂至獵嶺

獵嶺在夏屋山東北魏都平城常獵於此

以遼西王農高陽王隆為前鋒以襲之是時燕兵新敗

皆畏魏惟龍城兵勇銳爭先虔素不設備閏月乙卯燕

軍至平城虔乃覺之帥麾下出戰敗死燕軍盡收其部

落魏王珪震怖欲走諸部聞虔死皆有貳心珪不知所

適

虔勇蓋代北既敗而死故諸部皆貳燕天將亡燕垂繼以須此固非人力所能為也帥讀曰率怖普布翻

垂之過參合陂也見積骸如山為之設祭

為子偽翻

軍士皆

慟哭聲震山谷垂慙憤嘔血由是發疾乘馬輿而進頓

平城西北三十里太子寶等聞之皆引還燕軍叛者奔

告於魏云垂已死與尸在軍魏王珪欲追之聞平城已

沒乃引還陰山

魏人有言死諸葛走生仲達拓跋珪聞慕容垂之死而不敢追亦類是耳

垂

在平城積十日疾轉篤乃築燕昌城而還

水經燕昌城在平城北四

十夏四月癸未卒於上谷之沮陽

賢曰沮陽縣故城在今城州東沮音阻垂

年七祕不發喪丙申至中山戊戌發喪謚曰成武皇帝

廟號世祖壬寅太子寶即位

寶字道祐重
第四子也

大赦改元永

康五月辛亥以范陽王德為都督冀兗青徐荆豫六州

諸軍事車騎大將軍冀州牧鎮鄴遼西王農為都督并

雍益梁秦涼六州諸軍事并州牧鎮晉陽

肅於
用翻

又以安

定王庫偁官偉為太師

偁奴
沃翻

夫餘王蔚為太傅

餘蔚夫
餘王子

也燕王純破夫餘得之燕亡入秦
秦亂復歸燕燕主垂封為扶餘王

甲寅以趙王麟領尚

書左僕射高陽王隆領右僕射長樂公盛為司隸校尉

宜都王鳳為冀州刺史

乙卯以散騎常侍彭城劉該

為徐州刺史鎮鄆城

散忠宣翻騎奇寄翻鄆吉祿翻

甲子以望蔡公

謝琰為尚書左僕射

望蔡縣屬豫章郡沈約曰漢靈帝中平中汝南上蔡民分徙此城立

縣名上蔡晉武帝太康元年更名宋白曰以上蔡人思本土故曰望蔡

初燕王垂先段

后生子令寶後段后生子朗鑒愛諸姬子麟農隆柔熙

寶初為太子有美稱

稱昌孕翻名譽也

已而荒怠中外失望後

段后嘗言於垂曰

燕王垂初娶段氏以可足渾后之譏而死後即位追尊為后復納段氏為

后故史書後段后以別之

太子遭承平之世足為守成之主今國步

艱難恐非濟世之才遼西高陽二王陛下之賢子宜擇

一人付以大業趙王麟姦詐彊懷

懷弼力翻

異日必為國家

之患宜早圖之寶善事垂左右左右多譽之

譽音余

故垂

以為賢謂段氏曰汝欲使我為晉獻公乎

晉獻公信驪姬之譏殺太

子中

段氏泣而退告其妹范陽王妃曰太子不才天下

所知吾為社稷言之

為于偽翻

主上乃以吾為驪姬何其苦

哉觀太子必喪社稷

喪息浪翻

范陽王有非常器度若燕祚

未盡其在王乎寶及麟聞而恨之乙丑寶使麟謂段氏

曰后常謂主上不能守大業今竟能不

不諱曰否

宜早自裁

以全段宗段氏怒曰汝兄弟不難逼殺其母況能守先

業乎吾豈愛死但念國亡不久耳遂自殺寶議以段后

謀廢適統

通讀曰嫡

無母后之道不宜成喪羣臣咸以為然

中書令睦邃颺言於朝曰

睦息惟翻颺音揚大言而疾曰颺朝直遙翻

子無

廢母之義漢安帝閼后親廢順帝

事見五十卷漢安帝延光三年

猶得

配饗太廟況先后曖昧之言虛實未可知乎乃成喪

六月癸酉魏王珪遣將軍王建等擊燕廣寧太守劉亢

泥斬之

廣寧縣漢屬上谷郡晉太康中分置廣寧郡亢苦浪翻

徙其部落於平城

燕上谷太守開封公詳棄郡走詳統之曾孫也 丁亥

魏賀太妃卒

魏王珪之母也

燕主寶定士族舊籍分辨清濁

校閱戶口罷軍營封蔭之戶悉屬郡縣

軍營封蔭之戶蓋諸軍庇占以

為部曲者

由是士民嗟怨始有離心

斯事行之未必非也但慕容寶即位之初同師

新敗又遭大喪下之懷反側者多未可遽行耳大學曰物有本末事有終始知所先後則近道矣

三

河王呂光即天王位國號大涼大赦改元龍飛

呂光字世明畧

陽氏也父婆樓為持堅佐命

備置百官以世子紹為太子封子弟為

公侯者二十人以中書令王詳為尚書左僕射著作郎

段業等五人為尚書光遣使者拜禿髮烏孤為征南大

將軍益州牧左賢王烏孤謂使者曰呂王諸子貪淫

光

子見於史者

三甥暴虐

光甥石聰謀殺杜
追餘二人當致

遠近愁苦吾

安可違百姓之心受不義之爵乎吾當為帝王之事耳

乃留其鼓吹羽儀

吹
瑞

謝而遣之

平規收合餘黨據

高唐

高唐縣自漢以
來屬平原郡

燕主寶遣高陽王隆將兵討之

將

亮

東土之民素懷隆惠迎候者屬路

相屬於路也

秋七

月隆進軍臨河規棄高唐走隆遣建威將軍慕容進等

濟河追之斬規於濟北

於濟北禮翻

平喜犇彭城

納故中

書令王獻之女為太子妃獻之義之之子也

義之王導之從子

魏羣臣勸魏王珪稱尊號珪始建天子旌旗出警入

蹕改元皇始

珪什翼犍之嫡孫寔之子詳見一百四卷元年自將堅淮淝之敗至是十有四年矣

關河之間戎狄之長更興迭作晉人視之漠然不關乎其心拓跋珪興而南北之形定矣南北之形既定卒之南為北所并嗚呼自隋以後名稱揚于時者代北之子孫十居六七矣氏族之辨果何益哉

參軍事

上谷張恂勸珪進取中原珪善之燕遼西王農悉將部

曲數萬口之并州

將即亮翻之往也

并州素乏儲侍

侍夫里翻

是歲

早霜民不能供其食又遣諸部護軍分監諸胡

監工衙翻

由

是民夷俱怨潛召魏軍八月己亥魏王珪大舉伐燕

無兵

內應與必勝之計不可大舉

步騎四十餘萬南出馬邑踰句注

句音鉤

旌旗二千餘里鼓行而進左將軍鴈門李粟將五萬騎

為前驅別遣將軍封真等從東道出軍都襲燕幽州

魏書

官氏志拓拔詰汾時餘部諸姓內入者有是責氏後改為封氏軍都縣前漢屬上谷郡後漢屬廣陽郡晉屬燕

國有軍都關賢曰今幽州

昌平縣有軍都山在西北

燕征北大將軍幽平二州

牧清河公會母賤而年長

長知兩翻

雄俊有器藝燕主垂愛

之寶之伐魏也垂命會攝東宮事摠錄禮遇一如太子

總錄謂總錄朝政也

及垂伐魏命會鎮龍城委以東北之任國官

府佐皆選一時才望垂疾篤遺言命寶以會為嗣而寶

愛少子濮陽公策意不在會長樂公盛與會同年恥為

之下

少詩沼翻濮博木翻樂音洛

乃與趙王麟共勸寶立策寶從之

乙亥立妃段氏為皇后策為皇太子會盛皆進爵為王

策年十一素羸弱

羸與羸同陟降翻羸也

會聞之心愠懟

愠於問翻懟直

類

九月章武王宙奉燕主垂及成哀段后之喪葬于龍

城宣平陵

成哀后即寶所
殺後母段氏也

寶詔宙悉徙高陽王隆參佐

部曲家屬還中山

隆去年自龍城還中山會寶
代之故令遣還其部曲參佐

會遠詔

多留部曲不遣宙年長屬尊

長知兩翻

會每事陵侮之見者

皆知其有異志

為寶會父子
相圖張本

戊午魏軍至陽曲

陽曲縣自

漢以來屬太原郡宋白曰陽曲縣故城在太原郡北四十
十五里後漢末所移也隋文帝改為陽直尋又改為汾

陽縣乘西山臨晉陽遣騎環城大譟而去

騎奇奇翻
環官

燕遼

西王農出戰大敗奔還晉陽司馬慕輿嵩閉門拒之

前

慕輿嵩以謀奉趙王麟
為變而誅此又一人

農將妻子帥數千騎東走魏中

領將軍長孫肥追之

中領將軍魏所置猶魏晉之中領軍也帥讀曰率

及於潞

川獲農妻子燕軍盡沒農被創獨與三騎逃歸中山

被皮

義翻創初良翻

魏王珪遂取并州初建臺省置刺史太守尚書

郎以下官悉用儒生為之士大夫詣軍門無少長皆引

入存慰使人人盡言

少詩照翻長知兩翻

少有才用咸加擢叙

史言

拓跋珪所以能取中原少詩沼翻

已未遣輔國將軍奚收畧地汾川

奚收

當作奚牧

獲燕丹楊王買德及離石護軍高秀和

離石縣自漢以來屬

西河郡燕置護軍以統稽胡

以中書侍郎張恂等為諸郡太守招撫

離散勸課農桑燕主寶聞魏軍將至議于東堂中山尹
苻謨曰今魏軍衆彊千里遠聞乘勝氣銳若縱之使入
平地不可敵也宜杜險以拒之

苻謨見燕見一
百六卷十一年

中書令

眭邃曰魏多騎兵往來剽速

剽匹
妙翻

馬上齎糧不過旬日

宜令郡縣聚民千家為一堡深溝高壘清野以待之彼
至無所掠不過六旬食盡自退尚書封懿曰今魏兵數
十萬天下之勍敵也

勍渠
京翻

民雖築堡不足以自固是聚

兵及糧以資之也且動搖民心示之以弱不如阻關拒

戰計之上也趙王麟曰魏今乘勝氣銳其鋒不可當宜

完守中山待其弊而乘之於是修城積粟為持久之備

不據險拒戰而嬰城自守此慕容寶所以敗也

命遼西王農出屯安喜

安喜前漢之安

險縣也後漢章帝改曰安喜屬中山郡

軍事動靜悉以委麟

為麟叛實張本

帝

嗜酒流連內殿醒治既少

言昏醉之時多醒而治事之時少也

外人罕得

進見

見賢通翻

張貴人寵冠後宮

冠古玩翻

後宮皆畏之庚申帝

與後宮宴妓樂盡侍

妓梁綺翻

時貴人年近三十帝戲之曰

汝以年亦當廢矣吾意更屬少者

近其新翻屬之欲翻少詩照翻

貴人

潜怒向夕帝醉寢於清暑殿

清暑殿帝所作

貴人徧飲宦者酒

散遣之使婢以被蒙帝面弑之重賂左右云因魘暴崩

飲於鵠翻魘于孩翻廣韻曰睡中魘毛見曰氣窒心懼而神亂則魘

時太子闇弱會稽王

道子昏荒

會工外翻

遂不復推問

復扶又翻下同

王國寶夜叩禁門

欲入為遺詔侍中王爽拒之曰大行晏駕皇太子未至

敢入者斬國寶乃止爽恭之弟也辛酉太子即皇帝位

大赦癸亥有司奏會稽王道子宜進位太傅揚州牧假

黃鉞詔内外衆事動靜咨之安帝幼而不慧

杜預曰不慧世所謂

白 口不能言至于寒暑飢飽亦不能辨飲食寢興皆非

己出母弟琅邪王德文性恭謹常侍左右為之節適始

得其宜

節適謂事為之節以適其口體為于偽翻

初王國寶黨附會稽王道

子

王國寶黨附道子事始一百五卷八年

驕縱不瀆屢為御史中丞褚粲

所糾國寶起齋侔清暑殿孝武帝甚惡之

惡為路翻

國寶懼

遂更求媚于帝而疎道子帝復寵昵之

昵尼所翻

道子大怒

嘗於內省面責國寶以劒擲之舊好盡矣

好字列翻

及帝崩

國寶復事道子與王緒共為邪諂道子更惑之倚為心

腹遂參管朝權威震內外並為時之所疾王恭入赴山

陵每正色直言道子深憚之恭罷朝歎曰猿棟雖新

直朝

遙翻下同據所追翻秦曰

便有忝離之歎

周大夫行役過故宗廟宮

屋椽齊魯曰摘周曰據

室蓋為忝恭故

緒說國寶

說輪尚翻

因恭入朝勸相王伏兵

作忝離之詩

殺之國寶不許道子欲輯和內外乃深布腹心於恭冀

除舊惡而恭每言及時政輒厲聲色道子知恭不可和

協遂有相圖之志或勸恭因入朝以兵誅國寶恭以豫

州刺史庾楷士馬甚盛黨於國寶憚之不敢發王珣謂

恭曰國寶雖終為禍亂要之罪逆未彰今遽先事而發必大失朝野之望况擁彊兵竊發於京輦誰謂非逆國寶若遂不改惡布天下然後順衆心以除之亦無憂不濟也恭乃止既而謂珣曰比來視君一似胡廣

謂依違於權姦

之間以保祿位

珣曰王陵廷爭陳平慎默但問歲晏何

如耳

謂王陵以廷爭失位陳平以慎默終能安劉爭讀曰諄

冬十月甲申葬孝武

帝于隆平陵王恭還鎮將行謂道子曰主上諒闇

闇讀如陰

冢宰之任伊周所難願大王親萬幾納直言放鄭聲遠

佞人

幾與機同
達於顧翻

國寶等愈懼

魏王珪使冠軍將軍代

人于栗磧

魏書官氏志拓跋珪時餘部諸姓內入者
有勿怛於氏後改爲于氏冠古玩翻碑丁奚

翻

寧朔將軍公孫蘭帥步騎二萬潛自晉陽開韓信故

道

韓信自井陘伐趙之故路
也申讀曰率騎奇寄翻

已酉珪自井陘趨中山李

先降魏

去年李先自西燕歸燕
趙七喻翻降戶江翻

珪以爲征東左長史

西秦涼州牧軻彈與秦州牧益州不平軻彈奔涼魏

王珪進攻常山拔之獲太守苟延自常山以東守宰或

走或降諸郡縣皆附於魏惟中山鄴信都三城爲燕守

中山燕都慕容德守鄴慕容厚
守信都皆重鎮也為於偽翻

十一月珪命東平公儀

將五萬騎攻鄴冠軍將軍王建左將軍李粟攻信都戊

午珪進軍中山已未攻之燕高陽王隆守南郭帥衆力

戰自旦至晡殺傷數千人魏兵乃退珪謂諸將曰中山

城固寶必不肯出戰急攻則傷士久圍則費糧不如先

取鄴信都然後圖之丁卯珪引兵而南章武王宙自龍

城還聞有魏寇馳入薊與鎮北將軍陽城王蘭乘城固

守蘭垂之從弟也

從才
用翻

魏別將石河頭攻之不克

魏書
官氏

志拓跋詰汾時餘部諸姓內入者有嘔石蘭氏後為石氏

退屯漁陽

漁陽縣漢屬漁陽郡晉省

珪

軍于魯口博陵太守申永奔河南高陽太守崔宏奔海

渚

海渚海中也

珪素聞宏名遣騎追求獲之以為黃門侍郎

與給事黃門侍郎張袞對掌機要創立制度

為在宏父子貴顯於

魏張本

博陵令屈遵降魏

屈居勿翻降戶江翻

珪以為中書令出納

號令兼總文誥燕范陽王德使南安王青等夜擊魏軍

於鄴下破之魏軍退屯新城

新城即燕主垂攻鄴所築者也

青等請追

擊之別駕韓諱曰

諱音卓

古人先計而後戰魏軍不可擊

者四懸軍遠客利在野戰一也深入近畿頓兵死地二也前鋒既敗後陣方固三也彼衆我寡四也官軍不宜動者三自戰其地一也

自戰其地者衆易敗散

動而不勝衆心難

固二也城隍未修敵來無備三也今魏無資糧不如深

壘固軍以老之德從之召青還青詳之兄也十二月魏

遼西公賀賴盧帥騎二萬會東平公儀攻鄴賴盧訥之

弟也

為賀賴盧降慕容德張本按魏書官氏志內入諸姓有賀賴氏北方有賀蘭氏後皆為賀氏蓋內入

者為賀賴氏阻北方者為賀蘭氏蘭魏別部大人沒根賴語轉耳又匈奴諸種亦有賀賴氏

有膽勇魏王珪惡之

惡鳥路翻

沒根懼誅已丑將親兵數十

人降燕燕主寶以為鎮東大將軍封鴈門公沒根求還

襲魏寶難與重兵給百餘騎沒根效其號令夜入魏營

至中伏珪乃覺之狼狽驚走沒根以所從人少不能壞

其大衆多獲首虜而還

史言慕容寶不能因降人為問以破魏少詩沼翻壞音性

楊盛遣使來請命詔拜盛鎮南將軍仇池公盛表苻宣

為平北將軍是歲越質詰歸帥戶二萬叛西秦降于

秦

越質詰歸降西秦見上卷十六年帥頭曰率下同

秦人處之成紀

成紀縣自漢以來屬

天水郡處
昌昌訓

拜鎮西將軍平襄公 秦隴西王碩德攻姜

乳於上邽乳率衆降秦以碩德為秦州牧鎮上邽徵乳
為尚書彊熙權千成帥衆三萬共圍上邽碩德擊破之
熙犇仇池遂來犇碩德西擊千成於畧陽千成降 西

燕既亡其所署河東太守柳恭等各擁兵自守秦主興
遣晉王緒攻之恭等臨河拒守緒不得濟初永嘉之亂
汾陰薛氏聚其族黨阻河自固不仕劉石及苻氏興乃
以禮聘薛彊拜鎮東將軍彊引秦兵自龍門濟

魏土地
記曰梁

山北有龍門山大禹所鑿通益津河口廣八十步

遂入

蒲阪恭等皆降興以緒為并冀二州牧鎮蒲阪

資治通鑑卷一百八

資治通鑑卷一百九

宋 司馬光 撰

胡三省 音註

晉紀三十一

強圉作
盡一年

安皇帝甲

諱德宗字德字孝武帝長子也謚法好
和不爭曰安又曰生而少新曰安帝即

位後桓玄篡奪劉裕反正南征北伐事多而中
原亦多事通鑑所書凡十卷故以十千書於款

隆安元年春正月己亥朔帝加元服改元以左僕射王

珣為尚書令領軍將軍王國寶為左僕射領選

領選者
領吏部

選選類

仍加後將軍丹陽尹會稽王道子悉以東宮兵

配國寶使領之

會工外翻

燕范陽王德求救於秦秦兵不

出鄴中恟懼

恟詩洪翻

賀賴盧自以魏王珪之舅不受東平

公儀節度由是與儀有隙儀司馬丁建陰與德通從而

構問之

問古芭翻

射書入城中言其狀

射而亦翻

甲辰風霾晝晦

震漢皆翻風雨土曰安

賴盧營有火建言於儀曰賴盧燒營為變

矣儀以為然引兵退賴盧聞之亦退建帥其眾詣德降

帥讀曰率降戶江翻

且言儀師老可擊德遣桂陽王鎮南安王青

帥騎七千追擊魏軍大破之

師克在和將帥不和敗之本也

燕主寶使

左衛將軍慕輿騰攻博陵殺魏所置守宰王建等攻信

都六十餘日不下士卒多死庚申魏王珪自攻信都士

戌夜燕宜都王鳳踰城奔中山

鳳知珪至膽破而走

癸亥信都降

魏涼王先以西秦王乾歸數反覆

謂乾歸既稱藩於先而悔之也數所

舉兵伐之乾歸羣下請東奔成紀以避之

成紀縣自漢以來屬

天水郡治小坑川唐併顯親縣入成紀縣移成紀縣治顯親川

乾歸曰軍之勝敗在於

巧拙不在衆寡先兵雖衆而無法其弟延勇而無謀不

足憚也且其精兵盡在延所延敗光自走矣光軍於長

最遣太原公纂等帥步騎三萬攻金城乾歸帥衆二萬

救之未至纂等拔金城光又遣其將梁恭等以甲卒萬

餘出陽武下峽

陽武下峽在高平西河
水所經也將即亮翻

與秦州刺史沒

奕干攻其東天水公延以枹罕之衆攻臨洮武始河關

皆克之

臨洮縣漢屬隴西郡惠帝分屬狄道郡武始郡
故狄道縣地河關縣前漢屬金城郡後漢屬隴

西郡晉屬狄道郡
枹音膚洮土刀翻

乾歸使人紿延云

紿待
吏翻

乾歸衆潰奔

成紀延欲引輕騎追之司馬耿稚諫曰乾歸勇略過人

安肯望風自潰前破王廣楊定皆羸師以誘之

破楊定見上卷

孝武太元十九年又一百六卷太元十一年王廣為鮮

卑匹蘭所執送於後秦此時乾歸未統國事也乾歸破

廣當在乞伏國仁之時

雅直利翻羸倫為翻

今告者視高色動殆必有姦宜

整陳而前使步騎相屬

陳讀曰陣屬之欲翻

俟諸軍畢集然後擊

之無不克矣延不從進與乾歸遇延戰死稚與將軍姜

顯收散卒還屯枹罕光亦引兵還姑臧秃髮烏孤自

稱大都督大將軍大單于西平王

單音蟬

大赦改元太初

治兵廣武攻涼金城克之涼王光遣將軍竇苟伐之戰

于街亭涼兵大敗 燕主寶聞魏王珪攻信都出屯深

澤

深澤縣前漢屬涿郡後漢屬安平國晉屬博陸郡宋白曰深澤縣以界內水澤深廣為名

遣趙王

麟攻楊城

郡國志中山蒲陰縣有楊城

殺守兵三百寶悉出珍寶及

宮人募郡國羣盜以擊魏二月己巳朔珪還屯楊城沒

根兄子醜提為并州監軍聞其叔父降燕懼誅帥所部

兵還國作亂

監工銜翻降戶江翻帥讀曰率下同

珪欲北還遣其國相涉

延求和於燕且請以其弟為質

相息亮翻質音致

寶聞魏有內

難不許

兵法曰知彼知己百戰不殆燕客寶徒欲求拓跋珪廷之有內釁而困之而不知己之才畧不足

辦也 難
乃旦翻

使冗從僕射蘭真責珪負恩

冗而 隲翻 從才用翻

悉發其

衆步卒十二萬騎三萬七千屯於曲陽之栢肆

此趙國之下曲

陽縣也有栢肆塢隋開皇十六年置栢肆縣後廢入常

山臺城縣魏書帝紀作鉅鹿之栢肆塢按地形志鉅鹿

郡治營於滹沱水北以邀之

滹音呼 沱徒河翻

丁丑魏軍至營

於水南寶潛師夜濟募勇敢萬餘人襲魏營寶陳於營

北以為之援

陳讀曰陣下同

募兵因風縱火急擊魏軍魏軍大

亂珪驚起棄營逃走燕將軍乞特真帥百餘人至其帳

下得珪衣韉

韉計戈翻

既而募兵無故自驚互相斫射

射而亦翻

珪於營外望見之乃擊鼓收衆左右及中軍將士稍稍

來集多布火炬於營外縱騎衝之募兵大敗

敵出其不意故走見

敵之不整乃還戰善用兵者固觀變而動也

還赴寶陳寶引兵復渡水北戊

寅魏整衆而至與燕相持燕軍奪氣寶引還中山魏兵

隨而擊之燕兵屢敗寶懼棄大軍帥騎二萬竝還時大

風雪凍死者相枕

枕職任細

寶恐為魏軍所及命士卒皆棄

袍仗兵器數十萬寸刃不返燕之朝臣將卒降魏及為

魏所係虜者甚衆

朝直遙翻將即亮翻降戶江翻

先是張袞嘗為魏王

珪言燕秘書監崔逞之材

據張袞傳袞未嘗與逞相識也聞其才而稱之先應為翻

珪得之甚喜以逞為尚書使錄三十六曹

漢光武分尚書為六曹置

郎三十四人并左右丞為三十六人丞魏尚書郎有殿
中吏部駕部金部度曹比部南主客祠部度支庫部農
部水部儀曹三公倉部民曹二千石中兵外兵都兵別
兵考功定課凡二十三郎明帝青龍二年置都官騎兵
合二十五郎晉武帝龍興部定課置直事殿中祠部儀
曹吏部三公比部金部倉部度支都官二千石左民右
民度曹屯田起部水部左右主客駕部車部度部左右
中兵左右外兵別兵都兵騎兵左右士北主客南主客
凡三十四曹後又置運曹凡三十五曹置郎
二十三人更相統攝今魏又增為三十六曹任以政事

魏軍士有自栢肆亡歸者言大軍敗散不知王處道過

晉陽晉陽守將封真因起兵攻并州刺史曲陽侯素延
素延擊斬之南安公順守雲中聞之欲自攝國事幢將
代人莫題曰此大事不可輕爾宜審待後問不然為禍
不細順乃止順什翼犍之孫也

幢直江胡將即亮翻犍居言翻

賀蘭部

帥附力眷紇隣部帥匿物尼紇奚部帥叱奴根皆舉兵

反

紇戶骨翻帥所類翻

順討之不克珪遣安遠將軍庾岳帥萬騎

還討三部皆平之國人乃安珪欲撫慰新附深悔參合

之誅

事見上卷孝武帝太元二十年珪以燕人愆參合之禍苦戰不下故深悔之

素延生討

反者殺戮過多免官以奚牧為并州刺史牧與東秦主

興書稱頓首與之均禮

時乞伏氏建國隴西號秦故史書姚秦為東秦以別之

興

怒以告珪珪為之救牧

為子偽翻

已卯夜燕尚書郎慕輿皓

謀弑燕主寶立趙王麟不克斬關出奔魏麟由是不自

安

為解并西山張本

三月燕以儀同三司武鄉張崇為司空

石勒分上黨置武鄉郡及武鄉縣唐遼州榆社縣即其地

初燕清河王會聞魏軍

東下表求赴難

難乃旦翻

燕主寶許之會初無去意

初無去龍城之意

使征南將軍庫偁官偉建威將軍餘崇將兵五千為

前鋒崇嵩之子也

敘嵩見上卷孝武帝太元二十一年傳奴沃翻

偉等頓盧龍

近百日

遼東新昌縣有盧龍山唐為平州盧龍縣慕容令所謂守肥如之險即其地也此遼東新昌後

人置於漢遼西郡界非漢舊郡縣地也近其新翻

無食噉馬牛且盡會不發寶

怒累詔切責會不得已以治行簡練為名復留月餘

治直

之翻復扶又翻

時道路不通偉欲使輕軍前行通道偵魏彊弱

且張聲勢

復丑

諸將皆畏避不欲行餘崇奮曰今巨寇

滔天京都危逼

京都謂中山

匹夫猶思致命以救君父諸君

荷國寵任而更惜生乎

荷下可翻

若社稷傾覆臣節不立死

有餘辱諸君安居於此崇請當之偉喜簡給步騎五百人崇進至漁陽遇魏千餘騎崇謂其衆曰彼衆我寡不擊則不得免乃鼓譟直進崇手殺十餘人魏騎潰去崇亦引還斬首獲生具言敵中濶狹衆心稍振會乃上道

徐進

上時字翻

是月始達薊城

薊音計

魏園中山既久城中將

士皆思出戰征北大將軍隆言於寶曰涉珪雖屢獲小

利然頓兵經年

涉歲為經年去年十一月魏攻中山

凶勢沮屈

沮在呂翻

士馬

死傷大半人心思歸諸部離解

謂賀蘭統部統奚三部

正是可破

之時也加之舉城思奮若因我之銳乘彼之衰往無不

克如其持重不決將卒氣喪

將即亮翻
喪息浪翻

日益困逼事久

變生後雖欲用之不可得也寶然之而衛大將軍麟每

沮其議

麟有異志
故沮隆議

隆成列而罷者前後數四寶使人請

於魏王珪欲還其弟觚

觚留燕事見一百七
卷孝武太元十六年

割常山以

西皆與魏以求和

常山以西并
州之地也

珪許之既而寶悔之已

酉珪如盧奴

魏書地形志中山郡治盧奴郡道元曰盧
奴城內西北隅有水湖而不流南北一百

步東西百餘步水色正黑曰
盧不流曰奴故城以此得名

辛亥復園中山

杜佑曰後
燕都中山

今博陵郡唐昌縣唐昌本漢苦陘縣章帝改漢昌為
魏改魏昌隋改隋昌唐武德中改唐昌復扶又翻

燕

將士數千人俱自請於寶曰今坐守窮城終于困弊臣

等願得一出樂戰

士皆赴死願戰為樂戰也樂音洛

而陛下每抑之此

為坐自摧敗也且受圍歷時無他奇變徒望積久寇賊
自退今內外之勢彊弱懸絕彼必不自退明矣宜從衆
一決寶許之隆退而勒兵召諸參佐謂之曰皇威不振
寇賊內侮臣子同恥義不顧生今幸而破賊吉還固善
若其不幸亦使吾志節獲展卿等有北見吾母者為吾

道此情也

陸初鎮龍城與母俱北及垂召陸伐魏其母留龍城為子偽朝

乃被甲上馬

詣門俟命麟復固止寶

被皮義翻復扶又翻

衆大忿恨隆涕泣而

還

還從宜翻又如字下同

是夜麟以兵劫左衛將軍北地王精使

帥禁兵弑寶

帥讀曰卑

精以義拒之麟怒殺精出奔西山依

丁零餘衆

中山西北二百里有狼山自狼山而西南連常山山谷深險草木黑山張燕五代孫方簡

兄弟皆依阻其地丁零餘衆翟真之黨也為燕所敗退聚西山西山曲陽之西山也

於是城中人

情震駭寶不知麟所之

之往

以清河王會軍在近恐麟

奪會軍先據龍城乃召隆及驃騎大將軍農

驃匹妙翻騎奇寄翻

謀去中山走保龍城隆曰先帝櫛風沐雨以成中興之
業崩未朞年而天下大壞豈得不謂之孤負邪今外寇
方盛而內難復起

難乃旦翻復扶
又翻下復朝同

骨肉乖離百姓疑懼

誠不可以拒敵北遷舊都亦事之宜然龍川地狹民貧

龍川即謂
和龍之地

若以中國之意取足其中復朝夕望有大功

此必不可若節用愛民務農訓兵數年之中公私充實

而趙魏之間厭苦寇暴民思燕德庶幾返旆克復故業

典居
希翻

如其未能則憑險自固猶足以優游養銳耳寶曰

卿言盡理朕一從卿意耳

隆策固善其如運命何兵家因敗為成隆之智亦足以及

此也使寶始終一從隆之說猶可以免蘭汗之禍

遼東高撫善卜筮素為隆所

信厚私謂隆曰殿下北行終不能達太妃亦不可得見

若使主上獨往殿下潛留於此必有大功隆曰國有大

難

難乃旦翻

主上蒙塵且老母在北吾得北首而死猶無所

恨卿是何言也

首式赦翻

乃遍召僚佐問其去留唯司馬魯

恭參軍成安願從

從才用翻

餘皆欲留隆竝聽之農部將谷

會歸說農曰

說輸芮翻

城中之人皆涉珪參合所殺者父兄

子弟泣血踊躍欲與魏戰而為衛軍所抑

慕容麟為衛大將軍故稱

之為衛軍

今聞主上當北遷皆曰得慕容氏一人奉而立之

以與魏戰死無所恨大王幸留此以副衆望擊退魏軍
撫寧畿甸奉迎大駕亦不失為忠臣也農欲殺歸而惜
其材力謂之曰必如此以求生不如就死

農陸皆無為有智略而所

見類如此天之廢燕智者失其智矣

壬子夜寶與太子策遼西王農高陽

王隆長樂王盛等萬餘騎出赴會軍河間王熙勃海王
朗博陵王鑒皆幼不能出城隆還入迎之自為韞乘

韞

義翻說文
曰車駕具

俱得免燕將王沈等降魏

沈持
林翻

樂浪王惠中

書侍郎韓範負外郎段宏太史令劉起等帥工伎三百

犇鄴

樂浪音洛琅帥讀
曰車伎渠綺翻

中山城中無主百姓惶惑東門

不閉魏王珪欲夜入城冠軍將軍王建志在虜掠乃言

恐士卒盜府庫物請俟明旦珪乃止燕開封公詳從寶

不成城中立以為主閉門拒守珪盡衆攻之連日不拔

使人登巢車

杜預曰巢車車上為櫓陸德明曰兵車高
如巢以望敵也杜佑曰以八輪車上樹高

竿竿上安鏡櫓以繩挽板屋上竿首以窺城中板屋方
四尺高五尺有十二孔四面別布車可進退圍城而行

於營中遠視如鳥之巢故謂之巢車

臨城諭之曰慕容寶已棄汝走汝曹

百姓空自取死欲誰為乎

為于偽翻

皆曰羣小無知恐復如

參合之衆

復扶又翻下復出同

故苟延旬月之命耳珪顧王建而

唾其面

唾土賀翻王建既鼓成參合之誅又沮止珪棄夜入中山失計者再故唾其面

使中領

將軍長孫肥左將軍李栗將三千騎追寶至范陽不及

破其新城戍而還

前漢志中山國有北新城縣郡國志涿郡有北新城縣晉省水經註新城

縣在武遂縣南燕督亢之地也

甲寅尊皇太后李氏為太皇太后戊

午立皇后王氏

燕主寶出中山與趙王麟遇于阡城

攷之字書無所字

有附字疾卯翻

麟不意寶至驚駭帥其衆奔蒲陰

蒲陰

縣屬中山郡前漢之曲逆縣也後章帝薨其名改曰蒲陰帥讀曰率下同

復出屯望都

扶復

又翻土人頗供給之慕容詳遣兵掩擊麟獲其妻子麟脫

走入山中甲寅寶至薊殿中親近散亡略盡惟高陽王

隆所領數百騎為宿衛清河王會帥騎卒二萬迎于薊

南寶怪會容止怏怏有恨色

恨不得為嗣也事見上卷孝武帝太元二十四年怏

於丙密告隆及遼西王農農隆俱曰會年少

少詩

專任

方面習驕所致豈有他也臣等當以禮責之寶雖從之

然猶詔解會兵以屬隆隆固辭乃減會兵分給農隆又

遣西河公庫儻官驥帥兵三千助守中山

傳奴沃翻

丙辰寶

盡徙薊中府庫北趣龍城

趣七喻翻

魏石河頭引兵追之戊

午及寶於夏譙澤

石河頭時屯漁陽夏譙澤在薊北二百餘里

寶不欲戰清

河王會曰臣撫教士卒惟敵是求今大駕蒙塵人思效

命而虜敢自送衆心忿憤兵法曰歸師勿遏又曰置之

死地而後生

孫武子之言

今我皆得之何患不克若其捨去

賊必乘人或生餘變寶乃從之會整陳與魏兵戰

陳讀曰陣

農隆等將南來騎衝之魏兵大敗追奔百餘里斬首數

千級隆又獨追數十里而還謂故吏留臺治書陽璆曰

留臺治書為留臺治書侍御史也燕建留臺於龍城見

一百七卷孝武太元十四年隆時錄留臺故璆為故吏

璆梁中山城中積兵數萬不得展吾意今日之捷令人

遺恨因慷慨流涕會既敗魏兵敗蒲矜狠滋甚隆屢訓

責之會益忿恚狠戶懸翻會以農隆皆嘗鎮龍城孝武

十年農鎮龍城屬尊位重名望素出已右恐至龍城權

政不復在已復秋又知終無為嗣之望以寶遠去命立

又翻

策為太子也

乃謀作亂幽平之兵皆懷會恩不樂屬二王

樂音洛

請於

寶曰清河王勇略高世臣等與之誓同生死願陛下與

皇太子諸王留薊宮臣等從王南解京師之圍還迎大

駕寶左右皆惡會

惡烏路翻

言於寶曰清河王不得為太子

神色甚不平且其才武過人善收人心陛下若從衆請

臣恐解圍之後必有衛輒之事

衛靈公世子蒯聵出奔靈公立其子輒靈公卒

輒立蒯聵復入輒拒而不納

寶乃謂衆曰道通年少

會字道通少詩照翻

才不

及二王

二王謂東隆

豈可當專征之任且朕方自統六師伏

會以為羽翼何可離左右也

離力智翻

衆不悅而退左右勸

寶殺會侍御史仇尼歸聞之告會曰大王所恃者父父

已異圖所仗者兵兵已去手欲於何所自容乎不如誅

二王廢太子大王自處東宮

處昌呂翻

兼將相之任

將即亮細相息

亮翻以匡復社稷此上策也會猶豫未許寶謂農隆曰觀

道通志趣必反無疑宜早除之農隆曰今寇敵內侮中

土紛紜社稷之危有如果卵會鎮撫舊都遠赴國難

難乃

旦翻其威名之重足以震動四鄰逆狀未彰而遽殺之豈

徒傷父子之恩亦恐大損威望寶曰會逆志已成卿等

慈恕不忍早殺恐一旦為變必先害諸父然後及吾至

時勿悔自負也會聞之益懼夏四月癸酉寶宿廣都黃

榆谷

魏北地志廣都縣屬建德郡在漢北平白狼縣界隋省入遼西柳城縣

會遣其黨仇

尼歸吳提染干帥壯士二十餘人

帥讀曰率下同

分道襲農隆

殺隆於帳下農被重創

被度義翻創初良翻

執仇尼歸逃入山中

會以仇尼歸被執事終顯發乃夜詣寶曰農隆謀逆臣

已除之寶欲討會陽為好言以安之曰吾固疑二王久

矣除之甚善甲戌旦會立仗嚴備乃引道會欲棄隆喪

餘崇涕泣固請乃聽載隨軍農出自歸寶呵之曰何以

自負邪

寶陽貴農而以前言相撻使

命執之行十餘里寶顧召羣臣

食且議農罪會就坐

坐祖卧翻

寶目衛軍將軍慕輿騰使斬

會傷其首不能殺會走赴其軍勒兵攻寶寶帥數百騎

馳二百里晡時至龍城會遣騎追至石城不及

石城縣漢屬北

平郡後魏屬建德郡隋併入柳城縣

乙亥會遣仇尼歸攻龍城寶夜遣兵

襲擊破之會遣使請誅左右佞臣并求為太子

使疏史翻

寶

不許會盡收乘輿器服以後宮分給將帥

乘繩證翻將
即亮翻帥所

類翻署置百官自稱皇太子錄尚書事引兵向龍城以討

慕輿騰為名丙子頓兵城下寶臨西門會乘馬遙與寶

語寶責讓之會命軍士向寶大譟以耀威城中將士皆

憤怒向暮出戰大破之會兵死傷大半走還營侍御郎

高雲夜帥敢死士百餘人襲會軍

寶之為太子雲以武
藝給事侍東宮拜侍

御會眾皆潰會將十餘騎奔中山開封公詳殺之寶死

會母及其三子丁丑寶大赦凡與會同謀者皆除罪復

舊職論功行賞拜將軍封侯者數百人遼西王農骨破

見腦寶手自裹創

創初良翻

僅而獲濟以農為左僕射尋拜

司空領尚書令餘崇出自歸寶嘉其忠拜中堅將軍使

典宿衛贈高陽王隆司徒謚曰康寶以高雲為建威將

軍封夕陽公養以為子雲高句麗之支屬也

高句麗自云高陽氏

之後裔故以高為氏句如字又音駒麗力智翻

燕王皝破高句麗徙於青山

破高

句麗見九十七卷成帝咸康八年青山遼西徙河縣之青山也

由是世為燕臣雲沈厚

寡言

沈持林翻

時人莫知惟中衛將軍長樂馮跋

魏收曰漢高帝置信

都郡景帝二年為廣川國明帝更名樂成國安帝改為
安平國晉改為長樂郡考之晉志有安平而無長樂不
知何時更名
也樂音洛 奇其志度與之為友
此為後得燕張本

跋父和事西燕王永為將軍永敗徙和龍 僕射王國

寶建威將軍王緒依附會稽王道子
會工 納賄窮奢不

知紀極惡王恭殷仲堪
惡鳥 勸道子裁損其兵權中外

恟恟不安
拱翻 恭等各繕甲勒兵表請北伐道子疑之

詔以盛夏妨農悉使解嚴恭遣使與仲堪謀討國寶等

遣使疏
桓玄以仕不得志欲假仲堪兵勢以作亂
玄仕

志事見孝武

太元十七年

乃說仲堪曰國寶與君諸人素已為對

始事

一百七卷孝武太元十五年

年對敵也說輸芮翻下同

唯患相斃之不速耳今既執

大權與王緒相表裏其所迴易無不如志孝伯居元舅

之地必未敢害之

王恭字孝伯孝武王皇后之兄弟也

君為先帝所拔超

居方任人情皆以君為雖有思致非方伯才

亦見太元十五年恩

相吏

彼若發詔徵君為中書令用殷覲為荊州

南蠻校尉資次

可為荊州故

君何以處之

處呂

仲堪曰憂之久矣計將

云覲音其

安出立曰孝伯疾惡深至君宜潛與之約興晉陽之甲

以除君側之惡

春秋公羊傳曰趙鞅與晉陽之甲以除君側之惡

東西齊舉

江陵

在西京口在東故

曰東西齊舉也

玄雖不肖願帥荆楚豪傑荷戈先驅

帥讀曰率

荷下可翻

此桓文之勲也仲堪心然之乃外結雍州刺

史郝恢

肅於用翻郝丑之翻

內與從兄南蠻校尉覲南郡相陳留

江績謀之

從才用翻南蠻府南郡相與荊州刺史府同治江陵

覲曰人臣當各守

職分朝廷是非豈藩屏之所制也

分扶問翻屏必即翻

晉陽之事

不敢預聞仲堪固邀之覲怒曰吾進不敢同退不敢異

績亦極言其不可覲恐績及禍於坐和解之

坐祖卧翻

績曰

大丈夫何至以死相脅邪江仲元行年六十但未獲死

所耳

江續字仲元

仲堪憚其堅正以楊佺期代之朝廷聞之

徵績為御史中丞覲遂稱散發辭位

晉人多服寒食散其藥毒發或致死

今千金方中有數方散悉重翻

仲堪往省之

省悉并翻

謂覲曰兄病殊為可

憂覲曰我病不過身死汝病乃當滅門宜深自愛勿以

我為念郝恢亦不肯從仲堪疑未決會王恭使至

使疏吏翻

仲堪許之恭大喜甲戌恭上表罪狀國寶舉兵討之初

孝武帝委任王珣及帝暴崩不及受顧命珣一旦失勢

循默而已

循默者循常而無一言也

丁丑王恭表至內外戒嚴道子

問珣曰二藩作逆卿知之乎珣曰朝政得失珣弗之預

朝直

王殷作難

難乃

何由可知王國寶惶懼不知所為

遣數百人戍竹里

竹里今建康府竹簾鎮是其地在行宮城東北三十許里

夜遇風

雨各散歸王緒說國寶矯相王之命召王珣車盾殺之

以除時望因挾君相發兵以討二藩國寶許之

說輸芮
翻相息

亮翻車
尺連翻

珣盾至國寶不敢害更問計於珣珣曰王殷與

卿素無深怨所競不過勢利之間耳國寶曰將曹爽我

乎

謂珣如蔣濟說曹真釋權而司馬懿終族之也事見七十五卷魏卽陵厲公嘉平元年

珣曰是

何言歟卿寧有與之罪王孝伯豈宣帝之儔邪又問計

於庾庾曰昔桓公圖壽陽彌時乃克

見一百二卷海西公太和五年及一

百三卷簡文帝咸安元年

今朝廷遣軍恭必城守若京口未拔而上

流奄至君將何以待之國寶尤懼遂上疏解職詣闕待

罪既而悔之詐稱詔復其本官道子闇懦欲求姑息

且姑

也息止也姑息猶言且止

乃委罪國寶遣驃騎諮議參軍譙王尚之

收國寶付廷尉

洪景伯曰諮議參軍晉江左初置因軍諸祭酒也其位在諸參軍之右縣匹妙

謝騎奇
寄謝

尚之恬之子也甲申賜國寶死斬緒於市遣使

詣恭深謝愆失恭乃罷兵還京口國寶兄侍中愷驃騎

司馬愉竝請解職道子以愷愉與國寶異母又素不協

皆釋不問戊子大赦殷仲堪雖許王恭猶豫不敢下聞

國寶等死乃始抗表舉兵遣楊佺期屯巴陵

沈約曰巴陵縣晉武

太康元年置屬長沙郡道元曰湘水北至巴丘山入江山在右岸有巴陵故城本吳之巴丘即閭晉立巴陵縣

後置建

昌郡

道子以書止之仲堪乃還會稽世子元顯年十

六有雋才為侍中說道子以王殷終必為患請潛為之

備

說翰
蒨翻

道子乃拜元顯征虜將軍以其衛府及徐州文

武悉配之

為元顯討
王殷張本

魏王珪以軍食不給命東平公

儀去鄴徙屯鉅鹿積租楊城慕容詳出步卒六千人伺

間襲魏諸屯

伺相吏翻
問古莧翻

珪擊破之斬首五千生擒七百

人皆縱之

縱之所以搗中
山城中之心

初張掖盧水胡沮渠羅仇

匈奴沮渠王之後也

盧水胡分居安定張掖吏各以其
所居郡係之沮子余翻北史曰沮

渠世居張掖
臨松盧水

世為部帥

帥所
類翻

涼王光以羅仇為尚書從

光伐西秦及呂延敗死羅仇第三河太守麴粥謂羅仇

曰

呂光得涼州自號三河王此郡蓋光置也贊曰三河謂金城河賜支河湟河北郡當置於漢張掖金城郡

界

主上荒耄信讒令軍敗將死

將即亮翻

正其猜忌智勇之

時也吾兄弟必不見容與其死而無名不若勒兵向西

平出苕藿

河西張氏置西平郡唐為鄯州之地苕藿地名在漢張掖郡番禾縣界苕藿徒弔翻番如淳

音奮臂一呼

呼火故翻

涼州不足定也羅仇曰誠如汝言然

吾家世以忠孝著於西土寧使人負我我不忍負人也
光果聽讒以敗軍之罪殺羅仇及麴粥羅仇弟子蒙遜
雄傑有策略涉獵書史以羅仇麴粥之喪歸葬諸部多

其族姻會葬者凡萬餘人蒙遜哭謂衆曰呂王昏荒無

道多殺不辜吾之上世虎視河西

蒙遜之先世為匈奴左且渠河西匈奴左

地也世居盧水為酋豪其高曾皆雄健有勇名今欲與諸部雪二父之恥復上

世之業何如衆咸稱萬歲遂結盟起兵攻涼臨松郡拔

之

臨松郡張天錫置後周廢入張掖郡張掖縣

屯據金山

五代史志張掖州丹縣有金山沮渠

蒙遜事始此

司徒左長史王廞導之孫也

廞許金翻

以母喪居

吳王恭之討王國寶也版廞行吳國內史

以白版授官非朝命也

使起兵於東方

三吳皆在遼東之東

廞使前吳國內史虞嘯父等

入吳興義興召募兵衆

父音甫

赴者萬計未幾國寶死

幾居

宣翻

恭罷兵符歛去職反喪服歛以起兵之際誅異已者

頗多勢不得止遂大怒不承恭命使其子泰將兵伐恭

賤於會稽王道子稱恭罪惡

將即亮翻會工外翻

道子以其賤送

恭五月恭遣司馬劉牢之帥五千人擊泰斬之

帥讀曰率

又

與歛戰於曲阿衆潰歛單騎走不知所在

騎奇寄翻

收虞嘯

父下廷尉以其祖潭有功

虞潭有討蘇峻之功下廷錄翻

免為庶人

燕庫傳官驥入中山與開封公詳相攻

慕容寶遣驥助守中山因與詳

相攻傳
奴沃翻

詳殺驥盡滅庫儻官氏又殺中山尹苻謨夷其

族中山城無定主民恐魏兵乘之男女結盟人自為戰

使慕容垂慕容隆留中山而用之未可知也

甲辰魏王珪罷中山之圍就穀

河間督諸郡義祖甲寅以東平公儀為驃騎大將軍都

督中外諸軍事充豫雍荆徐揚六州牧左丞相封衛王

驃匹妙翻騎奇
旁翻座於用翻

慕容詳自謂能却魏兵威德已振乃即

皇帝位改元建始置百官以新平公可足渾渾為車騎

大將軍尚書令

渾當
作諱

殺拓跋觚以固衆心

觚先使燕為
燕所留珪之

第也 鄴中官屬勸范陽王德稱尊號會有自龍城來者知

燕主寶猶存乃止 涼王光遣太原公纂將兵擊沮渠

蒙遜於忽谷破之

忽谷當在剛丹縣界

蒙遜逃入山中蒙遜從兄

男成為涼將軍

從才用翻

聞蒙遜起兵亦合衆數千屯樂涇

樂涇縣漢屬酒泉郡後周廢入福祿縣涇姑歡翻又古玩翻

酒泉太守壘澄討男成

兵敗澄死

壘姓澄名

男成進攻建康遣使說建康太守段業

曰

說輸芮翻

呂氏政衰權臣擅命刑殺無常人無容處一州

之地

處呂翻

叛者相望瓦解之形昭然在目百姓嗷然無

所依附府君奈何以蓋世之才欲立忠於垂亡之國男

成等既唱大義欲屈府君撫臨鄆州使塗炭之餘蒙來

蘇之惠

書曰後我后
后来其蘇

何如業不從相持二旬外救不至

郡人高達史惠等勸業從男成之請業素與涼侍中房

晷僕射王詳不平懼不自安乃許之男成等推業為大

都督龍驤大將軍涼州牧建康公

驤思
將翻

改元神璽

璽
氏翻

以男成為輔國將軍委以軍國之任蒙遜帥衆歸業

帥
讀

曰業以蒙遜為鎮西將軍光命太原公纂將兵討業不

克

將印
亮翻

六月西秦王乾歸徵北河州刺史彭奚念為

鎮衛將軍以鎮西將軍屋弘破光為河州牧

屋弘當作
屋引魏書

官氏志內入諸姓有屋引氏後改為房氏張駿分興晉
金城武始南安永晉大夏武成漢中為河州北河州乞

伏氏所置也治枹罕
鎮衛將軍劉聰所置

定州刺史翟瑄為興晉太守鎮枹

罕

張茂分武興金城西平安故為定州興晉郡亦張氏
置枹罕縣漢屬金城郡後漢屬隴西郡後又分屬西

平郡張駿分屬晉興郡後又
分置興晉郡瑄音溫枹音膚

秋七月慕容詳殺可足

渾潭詳嗜酒奢淫不恤士民刑殺無度所誅王公以下

五百餘人羣下離心城中饑窘詳不聽民出米糶

糶音
呂木

不布種而
自生曰稻

死者相枕

枕 枕 任 翻

舉城皆謀迎趙王麟詳遣輔

國將軍張驤帥五千餘人督租於常山

張思將 翻 帥讀曰率

麟自

丁零入驤軍潛襲中山城門不閉執詳斬之麟遂稱尊

號聽人四出采稻人既飽求與魏戰麟不從稍復窮餒

復扶 又翻

魏王珪軍魯口遣長孫肥帥騎七千襲中山入其

郭麟追至泝水

泝水在中山新市縣輿地志云盧奴城北臨泝水而泝河泝攻乎翻

為魏

所敗而還

敗蒲邁翻還從宣 翻又如字下同

八月丙寅朔魏王珪徙軍

常山之九門

常山郡有 九門縣

軍中大疫人畜多死將士皆思

歸珪問疫於諸將對曰在者纔什四五珪曰此固天命
將若之何四海之民皆可為國在吾所以御之耳何患
無民羣臣乃不敢言遣撫軍大將軍略陽公遵襲中山
入其郭而還燕以遼西王農為都督中外諸軍事大

司馬錄尚書事

涼散騎常侍太常西平郭麇善天文

數術

散悲重翻騎奇
寄翻麇奴昆翻

國人信重之會熒惑守東井麇謂

僕射王詳曰涼之分野將有大兵

分扶
問翻

主上老病太子

闇弱太原公凶悍

悍下罕翻
又侯肝翻

一旦不諱禍亂必起吾二

人久居內要彼常切齒將為誅首矣田胡王乞基部落

最彊

田胡胡之一種也

二苑之人多其舊衆吾欲與公舉大事

推乞基為主二苑之衆盡我有也

涼州治姑臧有東西苑城

得城之

後徐更議之詳從之麋夜以二苑之衆燒洪範門使詳

為內應事泄詳被誅

被皮義翻

麋遂據東苑以叛民間皆言

聖人舉兵事無不成從之者甚衆涼王光召太原公纂

使討麋纂將還諸將皆曰段業必躡軍後宜潛師夜發

纂曰業無雄才憑城自守若潛師夜出適足張其氣勢

耳

張知亮翻

乃遣使告業曰郭麇作亂吾今還都

都謂姑臧使疏更翻

卿能決者可早出戰於是引還業不敢出纂司馬楊統

謂其從兄桓曰

從才用翻

郭麇舉事必不虛發吾欲殺纂推

兄為主西襲呂弘據張掖號令諸郡此千載一時也桓

怒曰吾為呂氏臣安享其祿危不能救豈可復增其難

乎

後扶又翻難乃旦翻

呂氏若亡吾為弘演矣

春秋衛懿公與狄人戰于焚澤為狄

人所殺弘演納肝以殉之桓女配纂其見親異於他人故云然

統至番禾遂叛歸麇

番禾

縣漢屬張掖郡番屬武威郡唐

弘纂之弟也纂與西安

天寶中改為天寶縣番音蠻

太守石元良共擊磨大破之乃得入姑臧磨得光孫八

人於東苑及敗而恚

志於
避翻

悉投於鋒上枝分節解飲其

血以盟衆衆皆掩目涼人張捷宋生等招集戎夏三千

人反於休屠城

夏戶雅翻休屠縣漢屬武威郡因休屠
王城以為名也晉省縣水經註姑臧城

西有馬城東城即休屠
縣故城也屠立於翻

與磨共推涼後將軍楊軌為盟

主軌略陽氏也將軍程肇諫曰卿棄龍頭而從虵尾非

計也軌不從自稱大將軍涼州牧西平公纂擊破磨將

王斐于城西磨兵勢漸衰遣使請救于禿髮烏孤

使疏
吏翻

九月烏孤使其弟驃騎將軍利鹿孤帥騎五千赴之

帥讀

曰率騎

奇寄翻

秦太后蚺氏卒

蚺以者翻虜姓也又食遮翻又音他

秦主興哀

毀過禮不親庶政羣臣請依漢魏故事既葬即吉尚書

郎李嵩上疏曰孝治天下先王之高事也

治直之翻

宜遵聖

性以光道訓既葬之後素服臨朝

朝直遙翻

尹緯駁曰嵩矯

常越禮

尹緯習於聞見反謂李嵩為矯常越禮嗚呼自短喪之制行人之不知禮也久矣駁北角翻

請付有司論罪興曰嵩忠臣孝子有何罪乎其一從嵩

議鮮卑薛勃叛秦

薛勃據貳城為親所攻而降于秦

秦主興自將討

之將即亮翻勃敗犇沒奕干沒奕干執送之 秦涇氏男姚

買得謀弑秦主興不克而死涇師古曰工玄翻楊正街胡大翻 秦主

興入寇湖城弘農太守陶仲山華山太守董邁皆降之

遂至陝城進寇上洛拔之置湖陝二戍見一百六卷考武太元十一年華山郡晉分

弘農之華陰京兆之鄭馮翊之夏陽郃陽置上洛縣前

漢屬弘農後漢屬京兆晉武帝泰始二年分京兆南部

置上洛郡華戶化翻陝失冉翻遣姚崇寇洛陽河南太守夏侯宗之固

守金墉崇攻之不克乃徙流民二萬餘戶而還武都氏

屠飛啖鐵等據方山以叛秦據晉書載記時飛鐵殺隗東太守姚迴七據方山則

方山當在隴東郡界祝穆曰
方山在武都郡東西四十里

興遣姚紹等討之斬飛鐵

興勤於政事延納善言京兆杜瑾等皆以論事得顯拔

天水姜龕等以儒學見尊禮

瑾孫姜龕口含翻

給事黃門侍郎

古成詵等以文章參機密

古成姓也詵疎疎翻

詵剛介雅正以風

教為已任京兆常高慕阮籍之為人居母喪彈琴飲酒

詵聞之而泣持劍求高欲殺之高懼而逃匿 中山饑

甚慕容麟帥二萬餘人出據新市

新市縣自漢以來屬中山劉昫曰新市古

鮮虞子國唐為定州新樂縣杜佑曰唐鎮州
治真定縣漢新市縣故城在東北帥讀曰率

甲子晦魏

王珪進軍攻之太史令鼂崇曰不吉昔紂以甲子亡謂

之疾日

左傳辰在子卯謂之疾日杜預註云疾惡也紂以甲子喪桀以乙卯亡故以為忌日鼂直遙翻

其家忌之珪曰紂以甲子亡周武不以甲子興乎崇無

以對冬十月丙寅麟退阻泝水

泝音孤

甲戌珪與麟戰於

義臺大破之

據李延壽北史義臺塢名魏收地理志新市縣有義臺城

斬首九千餘

級麟與數十騎馳取妻子入西山遂奔鄴甲申魏克中

山燕公卿尚書將吏士卒降者二萬餘人

將即亮翻降戶江翻

張

驤李沈先嘗降魏復亡去

復扶又翻

珪入城皆赦之得燕璽

綬圖書府庫珍寶以萬數

璽斯氏翻
綬音受

班賞羣臣將士有

差追謚弟胙為秦愍王發慕容詳冢斬其尸收殺胙者

高霸程同皆夷五族

五族謂五
服內親也

以大刃剗之丁亥遣三

萬騎就衛王儀將攻鄴

秦長水校尉姚珍犇西秦西

秦王乾歸以女妻之

妻七
細翻

河南鮮卑吐秣等十二部

大人皆附於禿髮烏孤

比金城
河南也

燕人有自中山至龍

城者言拓跋珪衰弱司徒德完守鄴城會德表至勸

燕主寶南還寶於是大簡士馬將復取中原遣鴻臚魯

遂冊拜德為丞相冀州牧

雁陵如翻

南夏公侯牧守皆聽承

制封拜

夏戶推翻

十一月癸丑燕大赦十二月調兵悉集戒

嚴在頓

調徒吊翻頓者次舍之所

遣將軍啓崙南視形勢

崙虛昆翻

乙亥

慕容麟至鄴復稱趙王說范陽王德曰魏既克中山將

乘勝攻鄴鄴中雖有蓄積然城大難固且人心恒懼

說輪

萬翻恒去王翻

不可守也不如南趣滑臺

趣七喻翻

阻河以待魏伺

釁而動河北庶可復也時魯陽王和鎮滑臺和垂之弟

子也亦遣使迎德德許之

使號更翻

資治通鑑卷一百九



總校官庶吉士臣侍朝

校對官檢討臣王坦修

謄錄貢生臣張誠智